



宸垣識略





皇城

鑲紅旗西中

卷七

皇極門

東夾道

阮家

頭條

油房

吳公衛

石虎

狗尾巴

松樹

太僕寺街

背陰

林清官

細米

橋

小醬房

大醬房

醬園

板場

水

刑部街

白廟

施飯寺

皮庫

滿井

西斜街

葵子

粉子

風車

兵馬司

羊

肉



宸垣識畧卷七

仁和吳長元太初氏輯

丙城三

西南
西中南

鑲藍旗滿洲蒙古漢軍三旗與鑲紅旗接界之處係自單牌樓至宣武門金水橋向西至大城根滿洲官兵自與鑲紅旗接界處之長安街牌樓向東進西長安門至金水橋爲頭叅領之十八佐領居址自江米巷向北至長安大街中府左府四眼井周圍爲二叅領之十八佐領居址自河漕向東至石牌胡同文昌閣

拴馬莊馬神廟胡同爲三叅領之十八佐領居址自
獅子口向東由皮市南口轉北至掃帚胡同西爲四
叅領之十七佐領居址自西單牌樓向南由絨線胡
同轉東至河漕沿六部口抽屜胡同關帝廟胡同牛
肉灣爲五叅領之十七佐領居址蒙古官兵自宣武
門至絨線胡同西口油房胡同南拴馬莊翠花胡同
棗樹街爲頭叅之十三佐領居址中街半壁街前細
瓦廠新簾子胡同舊簾子胡同爲二叅領之十二佐
領居址漢軍官兵自西單牌樓西邊之抱子街東口

至西口爲頭叅領之五個半佐領居址自手帕胡同
東口至西口爲二叅領之四佐領居址自鐵匠胡同
東口至西口爲三叅領之四佐領居址自石駙馬大
街東口西至棕毛胡同爲四叅領之五佐領居址自
頭髮胡同東口向西至臭水胡同爲五叅領之四佐
領居址

振武坊在正陽門內棋盤街西爲西江米巷東口

○明五軍都督府在闕西皆東向今廢其胡同猶存前
府左府中府右府後府等名

鑾衣衛署在闕西西公生門直街近北東向卽明錦衣
衛署

世宗御書堂額曰恪恭與衛

明校尉官衣與教坊樂工同式但花色小異耳今猶
沿明舊卽元時只孫衣也

太常寺署在闕西鑾衣衛之南東向

世宗御書堂額曰肅祇明禋神樂署犧牲所各祠祭署
皆隸之

都察院署在闕西太常寺之南東向

聖祖御書堂額曰都兪吁咈又御製臺省箴清漢字碑
各一通

明都察院在長安街之西與刑部大理寺審錄重囚
共稱爲三法司

刑部署在闕西都察院之南東向卽明錦衣衛故址

世宗御書堂額曰明刑弼教堂後西南西北二隅各置
獄曰南北所北所圍垣東大榆樹一株傳爲明楊繼
盛手植

施閏章夜值西曹詩吏散秋官署更闌夜氣清疎

簾寒燭影急析亂砧聲露下圓扉濕天高貫索明
平反誰執法竟夕獨含情

明時刑部在長安街西今俗呼刑部街者是也嘉靖
間李攀龍王世貞徐中行輩俱官西曹相聚論詩建
白雲樓于四川司時人目爲外翰林

查嗣琛雜咏詩甘露飛來綴栢枝白雲樓下坐談
詩時平刑措原無事閒殺西曹似鳳池

大理寺署在闕西刑部之南東向爲明南鎮撫司署故

址

世宗御書堂額曰執法持平

大理寺廨舍有怪石高四尺許兩峯角立一竅中通
錦紋粲然誠天壤奇物見明林有麟素園石譜今無
存

工部製造庫在刑部之東左府胡同丙丁戊三庫在西
長安門內

通政使司署在西長安街路南北向

世宗御書堂額曰慎司喉舌

明通政司署 本朝改爲都察院今署乃移建之地

又明有登聞鼓院在西長安門小廳三間東向今併于通政司

明金幼孜晚出西長安門詩白髮粼粼老從官籃輿自便懶登鞍京華久住交游少惟有西山總耐看

辦理回人佐領事務處在時雍坊西長安街路南今地名回子營建禮拜寺有

御製碑

乾隆二十五年授白和卓爲回子佐領以投誠回衆

編爲一佐領于西長安街路南設回營一所居之共
房百四十七楹設辦事房以內府官董其事

河南道署在刑部之南胡同內北向本京畿道署俗猶
呼爲京畿道胡同

西城察院署在刑部後高碑胡同

中城察院署北城察院署在西江米巷江井胡同

東城察院署南城察院署在正陽門內西城根道北

多羅廣畧貝勒府在絨線胡同路北

長元按廣畧係封號非諡

石翼宗學在宣武門北絨線胡同

時憲局在宣武門東沿城根西口卽明天啟二年都御史鄒元標副都御史馮從吾所建首善書院後禮部尚書徐光啟率西洋人湯若望等借院修歷名曰歷局 本朝仍令西洋人居此治理時憲書

聖祖御書門額曰天文歷法可傳永久

書院之設莫盛于元設山長以主之給廩餼以養之幾遍天下其在京師者有太極書院明初各省俱有書院自張江陵當國始行嚴禁江陵歿後復稍稍建

置一時著名者徽州江右關中無錫至天啟中京師
始有首善書院不知者統謂之東林但借東林二字
以害諸君子蓋東林乃無錫書院名也宋楊龜山先
生所建後廢爲僧寺顧涇陽先生憲成自吏部罷歸
購其地建楊先生祠同志者相與搆精舍居焉至甲
辰冬始與高忠憲數公開講其中立爲會約一以考
亭白鹿洞規爲教然躬與講席者僅數人時涇陽先
生已辭光祿之召不赴與新進立朝諸公漠無與也
適忠憲起爲總憲疏發御史崔呈秀之贓呈秀遂父

事忠賢日曠忠賢曰東林欲殺我父子既而楊左諸
公交章劾璫益信諸人之言不虛也於是遂首毀京
師書院而天下之書院俱毀矣

天主堂在時憲局東明萬歷二十八年建 本朝順治
間修乾隆四十一年重建門額曰通微佳境有

世祖御製碑銘又

聖祖御書堂額曰密合天行曰盡善盡美後廳扁曰聲
清氣和

天主堂構于西洋利瑪竇自歐羅巴航海九萬里入

中國崇奉天主堂制狹以深實正面向外而宛若側面其頂如中國捲棚式而覆以瓦正面止啟一門牕則設于東西兩壁之巔中供耶穌像繪畫而若塑者耳鼻隆起儼然如生人左右兩輒樓夾堂而立左貯天琴日向午則樓門自開琴乃作聲移時聲止樓則閉矣右聖母堂以供瑪利亞作少女狀抱一兒耶穌也衣無縫自頂被于體所印書冊以白紅一面反覆印之字皆傍行其書裝法如宋板式外以漆革護之用金屬戍鈎絡所製有簡平儀龍尾車沙漏遠鏡候

鐘天琴之屬

南之右曰宣武門元爲順承門明正統間改今名人猶呼爲順承門

象房在阜財坊宣武門內西城牆象房橋側明弘治八年建

象初至京先于射所演習故謂之演象所而錦衣衛自有馴象所專管象奴及象隻特命錦衣衛指揮一員提督之凡大朝會役象甚多駕輦駟寶皆用之若常朝則止用六隻耳所受祿秩俱視武弁有等差其

一在象房人有入視者能以鼻作盛栗銅鼓聲觀者持錢畀象奴如教獻技必斜睨象奴錢滿數而後昂鼻俯首鳴鳴出聲將病耳中先有油出名曰山性發則預以巨縋縻繫之管象房緹帥申報兵部上疏得旨始命再驗發光祿寺距其斃已旬餘穢塞通衢過者避道大庖何嘗需此殘胔京師浮文大抵皆然也

象性馴警不類他獸每朝則立午門之左右鐘鳴鞭響肅然翼侍俟百官入畢則以鼻相交而立無一人敢越進矣朝畢則復如常有疾不能立仗則象奴牽

詣他象所面求代行而後他象肯行不然終不往也
有過或傷人則宣勅杖之二象以鼻絞其足踏地杖
畢始起謝恩一如人意或貶秩則立仗必居所貶之
位不敢仍常立甚可怪也六月則浴而交之交以水
中雌仰面浮合如人焉自三代時已有之而晉唐業
教之舞及駕乘輿矣

真如寺在今頭髮胡同建于元保寧間我崩僧真如募
緣故卽以真如名其寺門北向以其背象房而立也
寺在元季爲定力院南向今象房是其山門蓋象房

初設于報國寺以隔城故割定力院爲駐象所 本朝乾隆四十年重修

考按保寧係遼年號明黃輝碑作元誤矣

○王恭廠在宣武門西南隅明火藥廠今廢有前後王恭廠胡同

明天啟六年五月朔王恭廠震裂響若轟雷平地陷二坑約長三十步濶十三四步深二丈許塌屋一萬九百三十間壓死男女五百三十七人

王恭廠火後救出淨身男子吳二問之稱係本廠中

撮火藥人役但見颶風一道內有火光將滿廠藥礮
燒發同作三十餘人盡死止存一人最可異者庭樹
盡拔而無焚燎之迹藥樓飛去而陷數丈之坑庫車
軍器如故石駙馬街有石獅重五千觔飛出順承門
外是日京師婦女凡肩輿出行者皆于輿中自去其
衣衣若有物攝之從空飛去墮昌平州

鑲紅旗官學在宣武門內頭髮胡同

承恩律寺在都城西南隅承恩寺街其址卽古雪堂爲
戒壇下院明憲宗勅賜如幻禪師以戒律開山本

朝康熙間燬于火後僧智性重建

鑲紅旗覺羅宗學在承恩寺街

長元按鑲紅旗宗學今在阜成門南錦石坊街孟
道胡同不知何年移來此處

吉祥寺在今猪尾胡同承恩寺之右元泰定間建明季
改名石鐙菴

萬歷丙午吳僧真程自雲棲來居發古甃下得石幢
一式如鐙臺旁鐫般若心經一部唐廣順二年少府
裴監施朝請郎趙偃書時黃儀部汝亨手書石鐙菴

三字額之今寺中有石香鑪云卽舊傳石鐙然鑪上並無鐫刻則石鐙已不可考矣

湯右曾初秋小集石鐙菴詩巋然削出此香臺恰在蒹葭野水隈一夕肯拋明月去廿年曾共故人來因緣舊夢銷禪榻觸迕閒情付酒盃九陌歸途正燈火少留未用僕夫催

天仙廟在南開市口明建有隆慶二年銅鐘一又崇禎間重修碑名泐無考

元弘寺在元弘寺街明建有本朝順治間重修碑

保安寺在今保安寺街明正統間居番僧大德法王綽吉我些兒八年四月令大興宛平二縣撥佃戶二十于寺以供灑掃寺內有磬二一明正德五年一明萬歷四十六年

槐抱椿觀音菴在西南隅槐抱椿菴街係舊刹無碑碣可考其南爲祇園禪林前後相屬康熙七年重修○圓恩寺在阜財坊久廢今其地猶名圓恩寺胡同克勤郡王府在石駙馬大街

鑲紅旗滿洲蒙古漢軍三都統署俱在石駙馬大街

固山恪僖貝子府在石駙馬大街臭水河北

榮親王府在老萊街

鐵佛寺在金城坊順承街四眼井鐵佛像見在寺中

鷺峯寺卽唐淤泥寺在內城西隅城隍廟之南鷺峯寺街唐貞觀二十二年建亦名卧佛寺以卧佛得名鷺峯者唐僧之號也見唐人石刻心經中有旃檀瑞相體製衣紋蹻蹻欲動非近代人所能辦 本朝康熙四年奉

敕移奉弘仁寺別以銅範如來像還供本寺乾隆二十

六年重修有

御製碑

京師驚峯寺有旃檀釋迦接引像其足立處幾于交趾不作八字衣紋都作直褶如出水衣附著股臂間面目向上絕不似滿月相也高五尺許色近沈碧明萬歷中慈聖太后始傳以金

佛在忉利天爲母說法時優填王思佛請目鍵連神通攝匠人俾雕佛匠六雕得三十二相惟釋摩梵音像雕不得

京師有唐人所書心經三一貞觀二十二年刻石在
淤泥禪寺一趙偃書廣德二年刻石一大足年僧有
晦建

明劉迎旃檀像詩我昔遊京師稽首禮瑞像堂堂
紫金身示現大法藏莊嚴七寶几重疊九霞帳光
如百千日晃耀不容望想初法王子運力攝諸匠
瓌材發神秘妙斲出智創風流蜀居士翰墨老彌
壯雷霆大地底音樂諸天上猶疑三十二不具梵
音相不知一點真正勝千語浪鳴呼五因緣語綺

反成誇我今獨何幸相見問無恙文殊本無二何
處覓真妄廣修香火供獲脫煩惱障天龍想驚喜
訶衛日歸向已覺海潮音人天會方丈

正紅旗漢軍都統署在宣武門內鷺峯寺街

圓通菴在鷺峯寺東今名圓通禪林吳士雲水塘菴記
石刻尚在殿中

水塘菴記畧云都城之有圓通菴與鷺峯禪刹並位
其西則名山蒼翠林列寒泉其東則帝宇森嚴百貨
時集其北則城隍坐鎮神威濯靈其南則萬井烟環

鳳城旋繞以故其地最勝何以呼爲水塘菴以菴外
兩旁餘地有注水池通溝洫也主僧名道桂自歙西
一清泉寺而來

鑲藍旗滿洲都統署在華嘉寺胡同

○元世祖廟在金城坊明洪武中建今廢

明馬中錫謁元世祖廟詩世祖祠堂帶夕曛碧苔
年久暗碑文薊門此日瞻遺像起輦何人識故墳
綽楔半存蒙古字陰廊尚繪伯顏軍可憐樹老無
花發白晝鸚鵡鳴到夜分

敬謹親王府在東鐵匠胡同

鑲紅旗護軍統領署在西單牌樓抱子街

○慶元樓在順承門內街西麗春樓在順承門內與慶元樓相對乃元巴延太師之府第朝元樓在慶元樓北近乾石橋今俱無考

鑲紅旗滿洲蒙古漢軍三旗與正紅旗接界之處係自羊肉胡同向南至東單牌樓與鑲藍旗接界之處由皇城根西至大城根滿洲官兵自與正紅旗接界之處西四牌樓大街向南至單牌樓轉東至長安街

牌樓爲頭叅領之十三佐領居址西安門大街南邊
之板場胡同廊房胡同醬房胡同小醬房胡同東斜
街細米胡同爲二叅領之十七佐領居址自細米胡
同向南繖子胡同狗尾巴胡同背陰胡同太僕寺街
李閣老胡同爲三叅領之十七佐領居址自李閣老
胡同向南東夾道東岳廟小東岳廟演象所官磨房
爲四叅領之十八佐領居址自繖子胡同向南堂子
胡同石虎胡同蜈蚣衛胡同油房胡同茶葉胡同西
夾道正溝胡同爲五叅領之十七佐領居址蒙古官

兵自四牌樓大街西邊之粉子胡同後泥窪十八半截豐盛胡同爲頭叅領之十佐領居址自豐盛胡同向北至兵馬司胡同燕兒胡同甄塔胡同爲二叅領之十二佐領居址漢軍官兵自四牌樓大街西邊之白廟胡同半壁街爲頭叅領之二佐領居址自白廟胡同向北車子胡同魚錢胡同沈篋子胡同爲二叅領之六佐領居址自千張胡同向南打磨廠半圈高井口袋胡同爲三叅領之四佐領居址自口袋胡同向南施飯寺皮襖子胡同東夾道胡同爲四叅領之

六佐領居址自東夾道胡同向南白廟胡同刑部街
爲五叅領之四佐領居址

儀郡王府在西長安街雙塔寺東

雙塔寺在小時雍坊西長安街金章宗建卽元慶壽寺
寺有塔二一九級一七級九級者額曰特贈光天普
照佛日圓明海雲佐聖國師之塔七級者額曰佛日
圓照大禪師可菴之靈塔寺有二像明重修易名曰
大興隆寺又曰慈恩寺後廢卽其地爲射所名講武
堂又以爲演象所今存殿廡數楹乃 本朝乾隆間

重修雙塔在寺西偏又東北半里許亦有名慶壽寺者中有崇禎間重修碑敘寺名源委又云射所中有殿祀北極關帝今雙塔寺稍東有關帝廟是慶壽寺地本宏敞兩寺均存其名

慶壽寺碑金党懷英八分書最妙明正統中爲中人所毀丈室之前松樾盈庭嘗引流水貫東西梁二石屏上刻飛渡橋飛虹橋六大字金道陵筆也明姚廣孝居慶壽寺事文皇于藩邸正統間重修改名大興隆寺壯麗甲于京師樹牌樓號第一叢林上臨幸焉

當時有八景諸公賦詩成卷馬東田跋尾今無知者
嘉靖間撤姚廣孝配食移主于大興隆寺又名大慈
恩寺後改爲演象所會試放榜次日新郎君並集于
其寺官廳內請見座主榜首獻茶于前亦可作南宮
一佳話也

崇禎甲申三月十九日都城破工部尚書兼東閣大
學士范景文于雙塔寺傍井中死之本朝順治間
諡曰文忠

明吳國倫雙塔寺詩石塔參差御苑西凌空雙雁

識招提梵鈴風起聲相激仙掌雲分勢欲齊似引
飛鳧朝帝闕豈煩鳴馬護禪棲長安落日馳車騎
何處逢人路不迷

○明米萬鍾湛園近西長安門有石丈齋石林仙籟館
茶寮書畫船繡佛居竹渚猷雲亭曲水松關飲光樓
衆香國倚臺花徑諸勝

明米萬鍾自題湛園詩主人心本湛以湛名其園
有時成坐隱爲客開清罇閒雲歸竹渚落日深松
門登臺候山月流暉如晤言

○袁伯修寓近西長安門有亭曰抱甕亭外多花木有大栢六長夏涼陰滿堦梨樹二開時香雪滿庭隙地作蔬圃小奴負甕以灌溉之

○朝爽樓在雙塔寺後呂氏園中樓也今無考按今雙塔寺後有名菜園者或卽其地

○明李東陽賜第在西長安門俗呼李閣老胡同

考按李東陽賜第爲祠久廢今其地猶名李閣老胡同中有耿氏房園雖已頽圯地甚寬敞當卽其遺址

○洪恩靈濟宮在皇城西明永樂年建祀五代徐知證及其弟知諤今廢土人呼靈清宮

男子曾甲世居閩縣金鰲峯下灌園園中有破祠其神常棲箕自稱兄弟二人南唐徐知誥之弟知證知諤也晉開運二年率師入閩秋毫無犯閩人祀我于此自是書符療病驗若影響明永樂間成祖北征不豫召曾甲入侍運箕有驗遂封知證清微洞元真人知諤弘靖高明真人立廟皇城之西南後加封爲洪恩真君又封號金闕玉闕上帝父母妻並封帝后元

君成化間開西廠于靈濟宮前太監汪直領官校百餘人刺事嘉靖癸丑甲寅大學士徐階等于靈濟宮講學縉紳扳附學徒至千人

定固山貝子府在石虎胡同

鑲藍旗漢軍都統署在西單牌樓東堂子胡同寬街

鑲藍旗蒙古都統署在西單牌樓東太僕寺街

衍聖公賜第在今太僕寺街

考按明史列傳仁宗踐阼孔彥縉來朝賜宅東安門北今不可考後英宗聞賜第湫隘以大第易之

卽今太僕寺街第也

○崇禎甲申三月京城破太僕寺街查氏一門九女子
投繯死後二女復甦一度爲尼一壽終

固山惠獻貝子府在背陰胡同

鑲藍旗官學在西單牌樓東北乾石橋斜街

顯應觀在宣武大街乾石橋乾隆四十四年重修有

御製碑

普恩寺在安福坊乾石橋北有明成化年碑 本朝康

熙間重修

定郡王府在乾石橋北鋼瓦市

禮親王府在西安門外東斜街醬房胡同口

固山恒愍貝子府在西安門外南街路西

崇聖寺在西安門外北城下明建有天啟甲子年鼎一

本朝康熙間戶科給事中穆聯重修碑又明碑一

磨去傳是魏忠賢立也

萬松老人塔在西四牌樓南大街之西其北則甄塔胡

同 本朝乾隆十八年

勅修九級仍舊制塔尖則加合者也今乾石橋北有甄

塔七級高丈五尺石額曰萬松老人塔

金元間有僧自稱萬松野老居燕京從容菴耶律楚材見之叅學三年僧以湛然居士目之其語文正王曰以儒治國以佛治心王亟稱之老人有萬壽語錄釋氏新聞又善撫琴嘗從文正王索琴王以承華殿春雷及種玉翁悲風譜贈之又嘗寄孔雀便面附以詩云風流彩扇出西州寄與白蓮老社頭遮日招風都不礙休從侍者索犀牛傳之法門亦佳話也

大能仁寺在兵馬司胡同初名能仁元延祐中建明洪

熙元年修加賜大能仁額

毛奇齡寄大能仁寺還一和尚詩遙望嚴城隔翠微
靈山自昔會來稀堂開講席龍初下門傍閒田
鳥自飛跼足頓穿三寶地閑身不掛七條衣從他
法臘年年換何日相逢話息機

大德顯靈宮在四眼井其舊門亦在兵馬司胡同相去
半里許石額猶存舊蹟也明永樂時建成化中更拓
之嘉靖中復建昊極通明殿東輔薩君殿曰昭德西
弼王帥殿曰保真又營龍虎殿以奉真武西殿有栢

爲雷所劈委地如屏 本朝乾隆間重修有老松六
虬枝屈曲蓋數百年物

按道家之言崇恩真君姓薩氏諱守堅西蜀人在宋
徽宗時嘗從虛靖天師張繼先及林靈素傳學道法
而隆恩真君則玉樞火府天將王靈官也嘗從薩真
君傳授符法明永樂中杭州道士周思得以靈官之
法顯于京師附體降神禱之有應乃于禁城之西建
天將廟及祖師殿宣德中改爲火德觀封薩真人爲
崇恩真君王靈官爲隆恩真官又建一殿奉二真君

左曰崇恩殿右曰隆恩殿成化初改觀爲宮加顯靈
二字每歲萬壽節正旦冬至及二真君示現日皆遣
官致祭崇奉可謂至矣

世傳靈官藤像文皇獲之東海崇禮朝夕如對賓客
所征必載及金川河昇不可動問之曰上帝有界止
此矣今藤像無

長元按道書王靈官名常漢時西蜀人從天師張
陵學道于鳴鶴山者

明馮琦登顯靈宮閣詩極目長空雁影南千峯當

檻落晴嵐清秋斜日窺金像古木寒雲鎖石龕地
迴樓臺三島接天低烟樹萬家含虛疑縹緲緱山
頂時有簫聲駐霍驂

鑲黃旗覺羅宗學在乾石橋西南玉帶胡同

石佛寺在咸宜坊乾石橋西南劈柴胡同碑剝落不可
讀先寺僧掘地得石佛一乃彌勒像寺由是得名舊
志有大小石佛兩寺今無考

元至治元年帝詣石佛寺命樞密準台領圍宿士卒
以備巡邏元統元年正月立司禮監奉太祖太宗曆

宗三朝御容于石佛寺

真武廟在乾石橋西南大木廠內係舊刹無碑碣可考
門外二石獅甚古

鄭親王府在大木廠

蠟燭寺在捨飯寺胡同今稱法光寺明季捨飯于此

○楊國公寺在北金城坊元楊總統之父也今廢

○金玉府在北金城坊東貯藏經版元文宗時敕印三
十六部散施諸禪刹坊內有帝師大佛殿軍鐵庫今
皆無考

都城隍廟在城西舊刑部街元稱佑聖王靈應廟天歷二年加封大都城隍神爲護國保寧王夫人爲護國保寧王妃明永樂中爲大威靈祠 本朝稱都城隍廟有

世宗暨

今上御製碑又御製詩

都城隍廟元碑七在寢殿後其四在左一長明鐙記立于至正二十六年十月一立于元貞元年正月韓從政撰許復書并篆額一立于至正四年九月余闕

撰文莊文昭書一立于至正二十五年十二月童梓
撰文吳雲書張璣篆額其三在右一立于至元五年
六月任栻撰文張禮書其兩碑則剝落不可復識矣
寢殿內朱漆木桶二大可容數十石有萬歷時進造
浴盆及換水二碑蓋都中取水甚難貯此以備不虞
而道士遂以神所沐浴謂目疾者洗之可愈用以誑
人云

考按元時七碑今廢浴盆二尚存換水碑二亦無
考又余忠宣碑至正四年立石文辭猥鄙青陽集

無之非公作也

長元按金石志貞元元年許復書者金佑聖王靈
應碑至元五年張禮書者元佑聖王靈應碑至治
四年莊文昭書者元城隍廟碑至正二十五年吳
雲書者元護國佑聖王記又泰定三年元大都城
隍佑聖王廟碑無撰書人姓氏至順二年元大都
城隍廟碑虞集撰康里巎巎書此兩碑殆卽緇素
錄所稱剝落不可復識者其長明鐙記本無撰人
姓名又按任栻撰者大都城隍廟碑李郁書金石

志作元佑聖王靈應碑任栻撰張禮書者誤淄素
錄同朱昆田云許復所書碑本元成宗元貞元年
立石而劉同人于司直誤以元貞爲貞元遂目曰
金碑莊文昭所書碑乃至正四年立石非至治也
北京城隍庙中有石刻北平府三大字此國初舊物
一老卒云其石長可丈六尺下有城隍庙三字旣建
北京埋而露其頂儀門塑十三省城隍皆立像左右
相對每歲順天府官致祭正統十二年重建城隍庙
成有英宗御製碑

考按所稱儀門塑十三省城隍今考廟中祇列浙江等十二省而江南省獨缺蓋明代以江南省爲陪京故不與各省並北平府三字亦無

廟市者以市于城西之都城隍廟而名也西自廟東至刑部街止亘三里許其市肆大畧與燈市同第每月以初一十五二十五開市較多燈市一日耳今廟市以每歲五月初一日至初十日止非復每月三日矣

魏之琇謁都城隍廟詩祠垣森闕樹蒼蒼風馬雲

旗儼在堂共仰威靈圉社稷誰傳姓氏嬪于楊相

于忠肅楊忠愍四朝禋祀皇情肅萬邑安和帝道

昌屹立豐碑垂聖藻願輸時雨與時暘

○東西二感聖廟在城隍廟南泥像今廢

關帝廟在都城隍廟西有明萬歷間鐘一又本朝順

治間庶吉士周漁重建元君殿碑

右翼炮廠在宣武門內都城隍廟北

護國關帝廟俗呼鴨子廟在北關市口北太平橋元天

歷二年建有明萬歷間左諭德傅新德碑又本朝

一乾隆元年吏部主事傅廷資碑

鑲藍旗護軍統領署在北開市口北屯絹胡同

多羅順承郡王府在錦石坊街烏衣庫胡同

普壽寺在錦石坊街有勅建額

長元按寺係回教其大門內有小樓一座四面凌空殆卽回部朝夕禮日之所名爲納馬茲也

多羅簡靖貝勒府在王府倉胡同

正紅旗滿洲都統署在阜成門內錦石坊街

正紅旗蒙古都統署在阜成門內水車胡同

右翼前鋒統領衙門在阜成門內巡捕廳胡同

正紅旗官學在阜成門內巡捕廳胡同

歷代帝王廟在阜成門大街南向明嘉靖間以保安寺故址建祀歷代帝王暨歷代從祀名臣 本朝順治

康熙間疊奉

欽定增祀雍正二年

世宗親詣行禮有

御製碑文乾隆二十九年修葺正殿易蓋黃瓦

皇上親詣行禮有

御製詩文四十一年又

欽定增祀南北朝五代帝主

親詣行禮有

御製碑記俱勒石墀下

帝王廟殿名景德崇聖之殿東西兩廡祀從祀名臣
一前爲景德門又前爲廟街門東西二坊曰景德立下
馬牌通衢亦名景德街

長元按歷代帝王之祀明洪武六年建廟于金陵
嘉靖初始于北京立廟所祀三皇五帝三王漢高

祖光武唐太宗宋太祖元世祖數開創之君而已
後嘉靖二十四年撤去元世祖則費文通迎合識
者非之 本朝初增祀元世祖明太祖康熙六十
一年

聖祖諭旨凡帝王曾在位者除無道被弑亡國之主此
外盡應入廟時廷臣議增歷代繼體之君并遼金二
朝而蜀漢東西晉元魏後五代皆以偏安不與焉
乾隆四十一年

皇上以會典所載未能仰體

聖祖諭旨所增未協乃命廷臣復議于是昭烈晉元魏
太武道武周世宗皆入祀典至明代之主

聖祖黜神熹二宗以爲亡國所由而愍帝身殉社稷
特令庙祀今

皇上亦撤漢之桓靈與明神熹並爲殷鑒褒貶予奪毫
釐不爽實昭千古之大公矣

弘慈廣濟寺在阜成門大街歷代帝王廟之東舊爲西
劉村寺金時劉望雲建明天順中重建賜額 本朝
康熙間重修有

聖祖御製碑并頒賜扁額寺有古樹老幹奇特僧呼爲鐵樹

今上有鐵樹歌勒石

嚴我師旃檀佛記畧康熙中王國弼與弟國臣得旃檀香高數尺寶而藏之江南劉拱北良工也爲刻佛像三年始竣以辛酉冬迎入廣濟寺供養

聖祖臨幸解白悅懸像有贊焉

補一等敦惠伯第在西單牌樓石虎胡同
三等承恩公第在西四牌樓羊肉胡同

二等宣義伯第在阜成門大街

宸垣識畧卷七

大街

宮天廟

寺白

巷回

老虎洞

一條頭
二條
三條
四條

東廊下

中廊下

西廊下

葡萄園

草廐

條五

寺青塔

寺祥吉

宅翠

閣棚

家祖

報恩寺街

玉皇廟街

半邊街

街平太

苦水井

營匠弓

營匠鞍

客水

棕帽

長湖

園官小

才秀

樹林

兒井

眼魚

成安

寺音

涼陰

絃弓

背三

以喇

永祥

兒扒

殿堅
寬大

園官西

庫平廣前

庫平廣後

街邊半
灣家毛

南小街

線陳大

線陳小

寺音

兒兜

廠草

廠草南

四

皇城

前門

西四牌樓

棒櫓

房堂

豐樂堂
內馬

王爺

棒撈小

棒撈西

兒井

寺櫓橋小

羅紐小

殿羅紅大

子報

灣家手前

灣家玉中

灣家毛後

袋口

娘老石

衣衛

侯平太

侯王五

倉平太

正紅旗西中街

卷八

兜車

牌石

寺神室

帽兜

庫衣官

新街口

橋橫


卷八

正黃旗西北

元狀馬

羅兒

棉花



家賈

新街口

北草廠口

北街

馬香兒

羅兒

衛坑

房養

截半

條頭

條二

條三

條四

條五

條六

條七


坑

教廠中街


口袋

路

馬香兒



水關



宸垣識畧卷八

仁和吳長元太初氏輯

內城

四

西中北
西北

正紅旗滿洲蒙古漢軍三旗與正黃旗接界之處係自
馬狀元胡同東口與鑲紅旗接界之處由 皇城向
西至大城根滿洲官兵自西直門大街曹公觀之東
至新街口轉南至石老娘胡同東口爲頭叅領之十
二佐領居址白石老娘胡同東口向南至四牌樓轉
東至馬市東口爲二叅領之十六佐領居址 皇城

西邊之馬狀元胡同太平倉胡同毛家灣胡同紅羅
廠胡同拐棒胡同爲三叅領之十五佐領居址自四
牌樓大街西邊之驢肉胡同帥府胡同報子胡同臭
皮胡同石老娘胡同爲四叅領之十二佐領居址四
牌樓大街西邊之衛衣胡同太平侯胡同五王侯胡
同車兒胡同石牌胡同寶禪寺胡同帽兒胡同官衣
庫胡同爲五叅領之十四佐領居址蒙古官兵自西
直門大街南邊之草廠胡同柳巷胡同西觀音寺胡
同陳線胡同大覺寺胡同爲頭叅領之十一佐領居

址自大覺寺胡同南堅厰翊教寺祖家街柵欄胡同
東觀音寺胡同椿樹胡同苦水井爲二叅領之十一
佐領居址漢軍官兵自阜成門大街至宮門口爲頭
叅領之四佐領居址自宮門口向東至馬市橋爲二
叅領之四佐領居址自馬市橋北邊之蘇羅卜胡同
回子營爲三叅領之四佐領居址自回子營向北至
茶葉胡同翠花街爲四叅領之四佐領居址自宮門
口向北至葡萄園東口爲五叅領之三佐領居址
右翼稅署在西四牌樓之東大街

梅檀寺在紅羅厰南明嘉靖中建有萬歷間御史蘇惟霖碑

○紅羅厰在積慶坊今西四牌樓北其地猶以是名三等襄勤伯第在帥府胡同

○鎮國府太平倉今西四牌樓大街東北有帥府胡同太平倉胡同乃其遺址

明成化二十三年建大永昌寺正德五年以寺舊址改爲倉賜名太平倉六年以太平倉賜永壽伯朱德爲私第八年改太平倉爲鎮國府嘉靖元年改鎮國

府爲太平倉命摠督倉場管理

康陵先立鎮國府乃自封鎮國公府在鳴玉坊嘉靖初仍改太平倉矣都人至今稱帥府胡同也

莊親王府在西四牌樓北毛家灣

三等誠毅伯第在西牌樓北太平倉胡同大街

關帝廟在西四牌樓北宣武街西額曰雙關帝廟蓋兩像合祀不知何時所建元泰定乙丑年修 本朝乾隆間重修有元碑二明碑三

正紅旗護軍統領署在西四牌樓北臭皮胡同

聖祚隆長寺在西四牌樓報子胡同明漢經廠外廠萬
歷四十五年勅建 本朝乾隆二十一年修有
御製碑并御書聯額

一等英誠公第在翠花街

謙郡王府在五王侯胡同

多羅恭勤貝勒府在鈎兒胡同

白塔寺在河漕西坊阜城門街北遼壽隆間建元至元
八年重修名大聖壽萬安寺明順天間改名妙應
本朝康熙間修寺與塔有

聖祖御製碑二乾隆間重修

賜御書心經及尊勝咒

御製重修妙應寺文白塔銘勒碑寺內又

御書扁額并滿漢蒙古西番合璧大藏全咒十套西番
首楞嚴經一分維摩詰所說大乘經全部命寺僧敬
謹尊藏

妙應寺在阜成門內寺右偏有白塔一座創自遼壽
昌二年爲釋迦佛舍利建內貯舍利戒珠二十粒香
泥小塔二千無垢靜光等陀羅尼經五部元至元八

年世祖發視石函銅餅香水盈滿色如玉漿舍利堅
圓燦若金粟前二龍王跪而守護餅底獲一銅錢上
鑄至元通寶四字帝后閱之愈加崇重卽迎舍利崇
飾斯塔角垂玉杵階布石闌簷掛華鬘身絡珠網制
度之巧古今所罕

凡塔下豐上銳白塔獨否其足則銳其肩則豐如膽
之倒垂然肩以上長項矗空節節而起頂覆銅盤盤
上一小銅塔通體皆白明成化元年于塔座周圍甃
造燈籠一百八座以奉佛塔

元張翥辛未二月十三日雷火焚故宮白塔詩數
聲起蟄乍聞雷驟落千山白雨來恐有怪龍遭電
取未應佛塔被魔災人傳妖鳥生譌火誰覓胡僧
話劫灰豈復神靈有遺恨冷烟殘燼滿荒臺

禮多羅貝勒府在阜成門內大街北

朝天宮在阜成門內朝天官街元之天師府也明嘉靖
間齋醮無虛日其崇奉與大高元殿等自宣宗憲宗
俱有御製詩文勒石天啓六年十三殿齊災今雖有
官門口東廊下西廊下之名其實周圍數里大半爲

民居矣西廊下有關帝廟土人因其餘其而葺之
明時凡大朝會百官先期習儀二日國初或在慶壽
寺或在靈濟宮宣德間建朝天宮于阜成門內白塔
寺西始爲定制

明李夢陽朝天宮詩馬上城中見雪山白雲蒼樹
滿烟闌蓬萊咫尺無人到松栢黃昏有鶴還當日
翠華遊物外百年金殿鎖人間浮塵擾擾江湖遠
悵望岩棲不可攀

正紅旗覺羅宗學在阜成門內宮門口

質郡王府在宮門口葡萄園

果親王府在葡萄園

正西曰阜成門元爲平則門明正統間改今名俗猶呼平則門

崇禎甲申河南道監察御史王章巡視京營守阜成門城破被執罵不絕口遂遇害 本朝賜諡節敏

○月張園明冉都尉別業在阜成門內傍城垣下

○宣家園在阜成門內爲宣城伯衛公別業多奇石石皆有名曰隅虎曰佇鵠曰驚羽曰奮距今無考

查嗣琛雜咏詩宣園何日換焦園怪石荒亭倚斷

垣只有牡丹憐舊主一番風雨一銷魂

後屬焦鴻臚稱焦園

○青塔寺在阜成門四條胡同無塔無寺獨有碑可考
明張一桂重修青塔寺碑畧青塔寺者勝國時勅建
大永福寺也在都城阜成門內故有青浮圖稍東爲
白塔禪寺創自元延祐間國朝天順成化中嘗再新
之隆慶壬申沙門佛寶太監王喜重修

○弘慶寺在黑塔寺胡同舊名黑塔寺明正統間建

明胡濙弘慶寺碑畧弘慶寺在朝天宮右舊曰黑塔

寺正統二年成國公朱勇修武伯沈清新之八年奏
請賜額弘慶

考按黑塔寺在南小街水窖胡同無塔無寺有碑
可考又北草場口有萬佛寺俗亦呼黑塔寺其胡
同亦仍寺名無碑碣可考不知何以沿其稱也

柳巷在西城今西直門草廠地有此名

笑岩德寶禪師生都下受法于玉泉明聰萬歷初居
西城柳巷人罕知者一日有梵僧來叅亞身翹袖作
種種相師以拄杖畫字隨方答之僧作禮騰空而去

弟子問適來僧問何法師曰此阿羅漢西天秘密語也雲棲株宏曰予嘗遊京師叅笑岩于柳巷敗屋數椽殘僧數輩而已其高致可想見其塔在小西門萬歷十二年立塔銘雲南布政司叅政羅汝芳撰

笑岩傳燈弟子有天童磬山報恩目澄昂溪墓在西直門外之小西門卒年七十四歲我

世祖章皇帝三贈禮焉且命朔望祀之所著有南北集行世

妙清觀在西直門南小街扒兒胡同明崇禎十一年安

民厰災震塌十二年六月重修今僅存殿三楹

十方禪院在正義坊西直門小街觀音寺胡同土人亦呼爲彌勒菴相傳爲北留寺明萬歷初畚築之餘得唐碑尺許有貞觀年月及北留寺記等字然後知其爲唐寺也今唐殘碑無考

明馬之駿詩宛在風光裏悠然水木間屢尋沿岸寺稍見著城山懺佛難除懶逢僧卽共閒淹留無不可拚與暮鴉還 何處堪消夏非山卽水鄉樹深渾欲暝花近反無香欲晚波難綠迎秋木漸蒼

市譁原未遠烟景乃微茫

打磨蘇王府在廣平庫

○廣平庫揀果廠在河漕西坊今廢二胡同猶存其名
正黃旗官學在朝天宮北祖家街

普安寺在西城河漕西坊翊教寺胡同有明李賢董份
二碑

明徐階重修普安寺功德碑畧禁垣西北有渠曰漕
近漕之西舊有普安寺起于國初歲久頽敗司禮太
監黃錦修之凡五春秋落成

翊教寺在普安寺之東有明汪道昆林增志二碑俱稱
始于宋時迄今尚爲戒壇下院亦古刹也

正法寺在寶禪寺西明內官黃高建有孝宗武宗二御
製碑 本朝乾隆二十一年官因其舊修葺之改額
曰正覺

寶禪寺在寶禪寺胡同崇國寺之街西卽元大承華普
慶寺也建于元大德四年明成化間內官麻俊買地
治宅掘得趙承旨碑始知爲寺基乃復建寺具聞于
朝賜額曰寶禪有萬安彭華甘爲霖三碑 本朝康

熙間大學士明珠乾隆間大學士傅恒先後修葺皆立碣以紀

崇國寺在發祥坊今西四牌樓大街東德勝門大街西元時有東西二崇國寺此則西崇國寺也爲托克托丞相故宅明宣德間賜名大隆善寺成化間賜名大隆善護國寺 本朝康熙間有

聖祖御製崇國寺碑乾隆間有

御製護國寺詩碑今其地稱護國寺街每月逢七八兩日有廟市

寺始至元皇慶修之延祐修之至正又修之元故有
南北二崇國寺此其北也宣德己酉賜名隆善成化
壬辰加護國名正德王申勅西番大慶法王領占班
丹大覺法王著省藏卜等居此中殿三旁殿八最後
景命殿殿旁塔二曰佛舍利塔成化七年勅碑二正
德七年勅碑二梵字碑二又天順二年碑二其一西
天大喇嘛桑渴巴刺行實碑其一大國師智光功行
碑又有元碑四其一至元十一年重修崇國寺碑沙
門雪礪法禎撰其一至正十四年皇帝勅諭碑其一

皇慶元年崇教大師演公碑趙孟頫撰并書其一石
斷爲七環鐵束而立元至正二十四年隆安選公傳
戒碑危素撰并書

寺爲托克托丞相故宅今千佛殿傍立一老髯朱衣
一老嫗鳳冠朱裳者托克托夫婦也後爲姚少師影
堂露頂袈裟趺坐上有偈皆本色衲子語少師自題
今像無考

明王鏊姚少師像詩下馬摩挲讀古碑欲詢往事
少人知獨留滿月龕中像共識凌烟閣上姿頽隱

三臺還可似功高六出本無奇金陵戰罷燕都定
仍是矍然老衲師

宋光熊遊護國寺詩宅捨祇園五百春朱衣猶現
宰官身笑他鑿石山頭坐贏得兒童繫犢輪 琳
宮香雨帶龍腥貝葉橫翻秘客經禪誦乍如蛙閣
閣魚山清梵向誰聽

原按趙子砥燕雲錄稱奉使官中書侍郎陳過庭
門下侍郎耿南仲并文武五十餘員元在真定丁
未八月遣詣燕山崇國寺安泊則崇國寺金已有

之蓋南北二寺北建自演公南則金之舊已迷其處矣

正覺寺在發祥坊正覺寺胡同明成化間內監韓諒賜宅施捨建寺奏聞賜額正覺禪寺有明碑二

正黃旗滿洲蒙古漢軍三旗自鼓樓向西至新街口大街北城根向南至馬狀元胡同西口與正紅旗接界滿洲官兵自鼓樓大街向西北藥王廟南口至大城根爲頭叅領之十九佐領居址自北藥王廟街南口向西循大街至八調灣南口爲二叅領之十九佐領

居址自入調灣南口循大街至德勝門轉南至德勝橋爲三叅領之十八佐領居址自鼓樓斜街循銀錠橋向西李廣橋至德勝橋大街爲四叅領之十八佐領居址自松樹街北口至藥王廟爲五叅領之十八佐領居址蒙古官兵自松樹街南口向西至德勝橋街轉北至弘善寺胡同西口爲頭叅領之十二佐領居址自宏善寺胡同西口至德勝橋爲二叅領之十二佐領居址漢軍官兵自護國寺街至棉花胡同南口羅圈胡同西口爲頭叅領之十佐領居址自羅圈

胡同西口連棉花胡同廊房胡同草廠胡同爲二叅
領之十佐領居址自蔣養房東口至西口爲三叅領
之十一佐領居址自新街口向北至四條胡同東口
爲四叅領之十佐領居址自四條胡同東口至城根
及銅井爲五叅領之九佐領居址

火德真君廟在日中坊北安門外萬寧橋北路西爲西
藥王廟唐貞觀中創址元至正六年重修明萬歷間
改增碧瓦重閣天啓中命太常寺官以六月二十二
日祀火德之神著爲令 本朝乾隆間重修門及後

閣改用黃瓦後有關帝殿 玉皇閣斗母閣皆

御製扁聯後水亭可望北湖

明黃元功集李鍊師水竹軒詩地靜烟雲滿開軒
水上棲泥封丹竈濕竹護藥苗齊火德時爲帝水
心日有躋馮虛千古夢能爲指階梯

大覺寺在街北其東偏後殿亦奉火神 本朝順治間
有工部侍郎周天成重修碑其西偏中後殿亦奉關
帝藥王有明嘉靖癸亥重修碑又有 本朝順治間
重修碑三乾隆二十二年重修有

世宗御製大覺寺碑并

今上御製重修大覺寺碑其關帝藥王二殿皆

御書聯額

火神廟在地安橋北廟後瀕湖有樓可以瞻眺

三旗叅領處在地安門外白米斜街

禁城中外海卽古燕市積水潭也源出西山一畝馬眼

諸泉繞出甕山後滙爲七里灤紆迴向東南行數十

里稱高粱河將近城分爲二外繞都城開水門內注

潭中入爲內海子繞禁城出巽方流玉河橋合外隍

入于大通河

元世祖肇造都邑而海水鏡淨正在皇城之北萬壽山之陰自至元三十年浚通惠河成上自昌平白浮村之神山泉下流有王家山泉昌平西虎眼泉孟村一畝泉西來馬眼泉侯家莊石河泉灌石村南泉榆河溫泉龍泉冷水泉玉泉諸水畢合遂建澄清閘于海子之東有橋南直御園通惠河碑有云取象星辰紫宮閣道橫貫天之銀漢也擬迹古昔恣民漁採澤梁無禁周之靈沼也

元時旣開通惠河運船直至積水潭自明改築京城
與運河截而爲二潭之寬廣已非舊觀今指近德勝
者爲積水潭稍東南爲十刹海又東南爲蓮花泡子
其實一水也

○元時海子岸有萬春園進士登第恩榮宴後會同年
于此宋顯夫詩所云臨水池臺似曲江也今失所在
按其地當在火神廟後亭

藥王廟在北安門海子之西東瀾海子萬柳沿堤夏月
客多載酒游泳其間東有橋名西步糧橋玉河水由

此入

御苑

廟爲魏忠賢
建其碑已踣

漢壽亭侯廟在地安門西面

皇城明洪武年建本

朝順治九年

勅封神爲忠義神武關聖大帝雍正三年追

封神曾

祖祖父三代公爵崇祀後殿五年修葺

世宗御書忠貫天人額乾隆四十六年

今上加封忠義神武靈佑關聖大帝改諡忠義門殿皆

易黃瓦有

世宗暨

今上御製碑二通每春秋二仲及五月十三日遣官致祭、

昔慕容氏都燕羅城有白馬前導因以爲祠蓋隋舊基又廟碑載明英宗夢見帝乘白馬故名

考按關帝廟在地安門西者曰白馬廟在南城三里河天壇北者曰姚彬盜馬廟皆隋基也

元果羅洛納新白馬廟詩祠宇當城角霜蹄刻畫真房星何日墮駿骨自能神曾蹴陰山雪思清瀚海塵長疑化龍去騰踏上雲津

徐乾學白馬關廟詩當年北狩事蒼皇白馬金鞭

護教皇說與祠官修歲祀殘碑落日倚頽墻

明英宗北

狩時神顯
應有碑記

又祈雨白馬關廟詩幾回圭玉告虔過炎景隆隆

奈若何彤轂日翻燒廣野赤珠雲散壓高柯 聖

人有道終須格臣職無功愧已多安得泰山膚寸

起滂沱滿眼水層波

賢良祠在白馬關帝廟旁雍正八年

勅建祀王公大臣之有功國家者有

世宗御書額曰崇忠念舊又 御製碑

半藏寺在關帝廟西元至正間僧義佛駐錫之所人羨其道行名曰半藏明嘉靖中改名保安寺

旌勇祠在半藏寺西乾隆三十三年建祠將軍公明瑞有

御製碑

宛平縣署在地安門迤西積慶坊面 皇城南向本漢薊縣地唐爲幽都遼名宛平元明 本朝仍之

古墨齋在宛平縣署內唐李北海書雲麾將軍碑明

邑令李蔭購得之甃之署壁旁構小亭植柳蒔花以爲公餘退食之地 本朝康熙間李碑移入文文山祠

嘉興寺在宛平縣西面 皇城

興化寺在半藏寺東北半里許有明嘉靖間重修碑猶名其街

海子橋在海子南岸亦名月橋俗呼三座橋在 皇城
北箭桿胡同

元馬祖常海子橋詩南望蓬萊觀行人隔苑墻有

時馴象浴不見狎漚翔宮樹飄秋葉紅船認石梁
辟雍真可作擬賦獻文王 朝馬秋塵急天潢曉
鏡舒影圓雲度鳥波靜添依魚石棧通星漢銀河
落水渠無人洗寒露爲我媚芙蕖

元宋褰過海子觀浴象詩四蹄如柱鼻垂雲踏碎
春泥亂水紋鴈鵝鵲好風景一時驚散不成羣
大學士三等忠襄伯和第在三座橋西北

銀錠橋在北安門海子三座橋之北城中水際看山第
一絕勝處

吳巖沿銀錠橋河隄作短垣高柳接城隅遮掩樓臺入畫圖大好西山啣落日碧峯如幃水亭孤

海潮觀音寺在銀錠橋南灣有明萬歷間翰林檢討趙用賢碑又一碑磨泐無考

○海印寺在海子橋北明宣德間重建改名慈恩寺內有鏡光閣今廢

考按今海潮寺中有明嘉靖間碑海印寺東爲廣福觀西爲海潮寺再龍華寺碑云輔碧峯與海印今碧峯寺前有地名馬公厰殆卽長安客話所云

海印寺久廢爲廠者歟

長元按嘉靖間海潮寺碑云海印寺東爲廣福觀
西爲海潮寺則今銀錠橋東南沿湖隙地疑卽海
印廢址故有鏡光閣以臨水若碧峯寺在今小石
橋胡同與銀錠橋相去約二里且前後無水未可
以馬公廠證長安客話所云也

明范言鏡光閣詩尋芳偶到慈恩寺石榻山僧入
定時獨上鏡光閣晚閑坐看雲氣動春池行廚竹
裡烟初禁御漏花前日正遲寂寞東房無好約青

袍白馬欲何之

○李長沙西涯別業在地安門北今其遺址無考

西涯遺址不可問而響閘鐘鼓樓慈恩寺廣福觀皆在十二咏中其地當與月橋相近蓋響閘卽月橋下閘而鐘鼓樓則園中可遙望耳

長元按西涯爲李文正幼時故居其誥命碑陰記云吾祖始居白石橋之旁後築入地安門內移于慈恩寺之東海子之北則今鼓樓斜街沿湖一帶當卽是西涯也惜爲市廛所掩人未之考耳

明李東陽宿海子西涯舊隣詩匹馬緣溪却度橋
華門踈樹影蕭蕭東隣舊路原相接北郭幽期豈
待招滿地月明如白晝一燈人語共清宵悠悠二
十年前事都向春風夢裡消

再經西涯詩新築湖堤面面平亂橋欹岸石縱橫
輕漚著水驚還去老馬緣溪戀復行舊日隣家今
幾在別來光景共誰爭匆匆不盡逢僧話剛說無
生便有情

○法華菴與海印寺相近卽李文正別業地

湯右曾過法華菴詩玉河屈曲貫城流
匯作風漪十頃幽清浪似翻
龍跡底閒雲遙接雁池頭
老慚佛法三乘入病想僧房
一榻休他日蒲蓮浩如海
可知宜夏復宜秋

重過法華菴詩慈恩寺外碧湍流
故老猶傳地最幽銀漢影斜天
左界鏡光湖接水西頭
雲日日從舒卷衰病年年未
退休九十劫如風雨疾螭蛄
那復問春秋

長元按法華菴見于湯少宰懷清堂詩中
其地與

文正碑記相合應在今鼓樓斜街

○響閘在月橋東

施閨章集響閘詩片雨城頭送夕陽池邊樓館受
風涼潺潺流水管絃思裊裊浮雲荇藻香近浦雕
闌齊繫馬入筵雪鱸旋烹魴登臨莫引江湖興楊
柳河橋似故鄉

長元按淶水亭雜識云響閘卽月橋下閘殆今萬
寧橋澄清閘也

○廣福觀在鼓樓斜街有碑一遺蹟不可考

長元按今鼓樓斜街內分二道西北出者通鼓樓
西大街西出沿湖至銀錠橋者乃昔時西涯不知
何年列居市肆使幽清之地變爲囂塵矣

廣化寺在今鴉兒胡同無碑碣可考左爲海會菴右爲
興善寺有明崇禎七年獎諭司禮監太監曹化淳詩
碑

廣化寺在日中坊雞頭池上元時有僧居之日誦佛
號每誦一聲以米一粒記數凡二十年積至四十八
石因以建寺

○萬嚴寺元至治中建今無考鴨兒胡同有萬善寺

龍華寺在簪兒胡同明成化三年建賜額曰龍華有明

碑二 本朝康熙五十二年重修

勅改曰瑞應寺有

聖祖御書聯扁并吏部侍郎湯右曾碑是年夏寺中文

官果生並蒔駢顯青熒光澤僧持獻

行在羣曠爲

賜額之應有

聖祖御製詩勒石

寺門有稻田千頃南客數過玩之西有小龍華寺

明張嘉猷詩地有龍華勝心隨石榻清春風一枕
到孤月萬松明花散諸天雨鐘鳴不夜城抽簪如
可得于此悟無生

明馮有經詩湖際先朝寺幽棲驗物情磬聲松下
靜鳥語竹間清菰米羞香飯園葵薦露羹重來知
幾日虛負老僧盟

高士奇龍華寺看新竹詩拂檻清陰細窺簾綠影
深露香生靜夜風簾發禪心解鐙猶含粉抽條已

滿林渭川千畝意相對日披襟

德勝門水次稻田八百畝以供御用內官監四十人領之

心華禪寺在三聖菴西卽小龍華寺

十刹海在龍華寺西東向明萬歷中三藏僧徧融建

本朝康熙三十重修

十刹海方五十畝室三十餘間相比如號舍佛殿亦分一舍不更廣也

明釋懿修十刹海詩十刹海非利凝然古德風市

居岩壑裡門向水田東耆宿推三藏師資事徧融
乞隨瓢偃仰立儼嶽衡荷法聽俱高衲執巾無侍
童直言等貴賤醒語破愚蒙僧不驕恩帑佛寧藉
像工平平數椽屋密密六時功哀憫西山寺游觀
額大雄

清虛觀在舊鼓樓大街有明景泰五年胡濙碑

玉皇廟在舊鼓樓大街東明建有 本朝順治年鼎一

無碑碣可考

北藥王廟在舊鼓樓大街北明嘉靖中建有 本朝順

治間大學士洪承疇碑二

雙寺在大石橋胡同東曰嘉慈西曰廣濟明成化間建
萬歷中修有碑五

妙緣觀在大石橋北妙緣觀胡同舊有真武廟明景泰
三年擴而新之賜名妙緣觀成化間修有碑二俱胡
濙撰 本朝乾隆五年重修有刑部侍郎張照書碑
又觀中有虛靖真君大道碑碑陰刻冲元亭書養心
百字今存

明李東陽過真武廟懷朱文鳴故友詩淼淼蒼波

白鷺飛苔痕長滿釣漁磯松陰不改三株樹
霍夢還醒一羽衣細數隣家遺老盡久懷同
學故人稀
沿流不覺尋詩遠把酒看花事事違

千佛寺在德勝門東八步口妙緣胡同明萬
歷九年孝定皇太后建、本朝雍正十一年重
修

賜名拈花寺殿額皆

世宗暨

今上御書有

世宗御製碑寺內明鑄諸銅像今存

明御馬監太監楊用受僧徧融指鑄毘盧世尊蓮花
寶座千佛旋繞四面若朝者然鑄十八羅漢二十四
諸天復塑伽藍天王等像

明官撫辰千佛寺詩春鳥聲聲佛蓮花朵朵燈瞻
聽惟畏愛久此卽高僧

高士奇登千佛寺靈望樓詩兀兀終朝懶不勝題
橋有志歎無能故山歲晚歸難定高閣晴來每一
登飲啄愛看林下鶴蕭閒那及寺中僧松枝豆蔻
催年近苑外冲冲聽鑿冰

碧峯寺在小石橋胡同有明萬歷間重修碑

華嚴鐘廠在德勝門東其地有真武廟有本朝順治辛卯劉芳遠碑華嚴鐘僅存其一舊懸萬壽寺今移于覺生寺餘鐘俱無考

華嚴鐘廠舊鐘高二丈餘濶一丈餘者尚有十數仆地上皆楷書佛經

佑聖寺在德勝門大街唐咸通中建明嘉靖間重修有張文憲碑

壽明寺在佑聖寺東有明弘治及正德間二碑

北之西曰德勝門元爲健德門明正統初改今名

崇禎甲申三月兵部右侍郎王家彥協理京營守德勝門城陷自投城下不死折臂及足僕扶入民舍自縊死或云自縊于城樓 本朝賜諡忠毅

德勝橋在德勝門內西有積水潭潭水注橋下東行轉西南爲李廣橋徑僻岸無行人古槐濃蔭如罨畫溪每歲六月六日中貴人用儀仗鼓吹導引洗馬于德勝橋之湖上三伏皆然

崇禎時洗馬于積水潭導以紅仗中有數頭錦帕覆

之最後獨角青牛至諸馬莫敢先焉

明朱德潤觀內廐洗馬詩黃雲灑雨沙場秋灘高
水平疑不流曉霜襲透蒼駝葵園人浴馬津水頭
綠驃連錢雙驂驪日光射波脂膩浮青絲脫鞵黃
金鈎輕爬短刷濕未休三花剪鬣平且柔簡雲駿
氣將無儔束芻斗豈馬羞茫茫豐草生林邱霜
蹄何爲踏長楸振鬣一躍期天游

永泉菴在德勝橋東有 本朝康熙間大學士張玉書

碑

弘善寺在德勝橋東弘善寺街明成化七年有勅建碑

正黃旗蒙古都統署在德勝門大街石虎胡同

正黃旗滿洲都統署在德勝門橋南

愉郡王府在龍頭井

水關在德勝門西里許水自西山經高粱橋來穴城趾而入有關爲之限

腠河水門在和義門北金水河水門在和義門南肅清門廣源閘別港有英宗文宗二帝龍舟

考按元西城三門明徐達改建都城廢肅清門餘

平則和義二門仍舊制蓋今之西直門卽元之和義而肅清遺址當自迤北而西也又西直門外長河萬壽寺西有廣源閘土人呼爲斗府閘其始建在元至正二十六年距西直門七里以今証昔遺閘遺閘相連可知卽別港亦可約畧計矣

○蓮花社有亭在水關西

○蝦菜亭在蓮花社西水部戴大圓建今俱無考

查嗣琛雜詠詩蝦菜亭虛水浸沙城頭風折雨絲斜秋來南客多鄉思不看荷花看稻花

積水潭上有鎮水觀音菴明永樂間建 本朝乾隆二

十六年改建 賜名滙通祠有

御製詩碑暨御書額

元趙孟頫海子卽事詩白水青山引興多紅裙翠
袖奈愁何祇從暮醉兼朝醉聊復長歌更短歌輕
燕受風迎落絮游魚吹浪動新荷餘杭溪上扁舟
好何日歸休理釣簑

淨業寺從德勝門西循城下行徑轉得此寺昔爲智光
寺之基有明宣德六年鐘一東有軒二楹可坐前舊

作殿棚列席浮尊宴飲殊適今廢湖上有魚藕監
明朱國祚宿淨業寺詩僧樓佛火漾空潭德勝橋
西積水含一夜朔風吹樹杪薊門飛雨遍城南
朱彛尊淨業寺看荷花詩香剝綠隄轉官橋信水
流綠雲千萬頃不見采蓮舟

高士奇淨業寺看荷詩僧舍無人滿綠苔新荷一
頃雨中閑寺前多少衝泥客誰爲看花趁曉來

太平菴在淨業寺西循城垣有橋橋下有水關清流漣
漣南注入大湖岸左爲菴背城臨湖可數頃許

德勝門西不半里有一道場爲王聚洲在工垣時建
稱眞省香火院相傳草創經始直墜回塘掘出石勒
太平菴三字因以爲名

明黃景昉同人集太平菴詩不遠城隅勝風塵已
覺寬隔溪鳴布穀新果薦文官鐵瓦通泉古冰壺
濯夢寒春衣仍可典無畏酒杯乾

○米仲詔漫園在積水潭東有閣三層仲詔嘗爲湛園
勺園及此而三

○定國徐公別業從德勝橋下右折而入額曰太師圃

地頗疎曠有臺有沼瀕湖之園此爲第一

○相國方公園在城北水關西與太平菴相接卽元石湖寺址

○劉茂才園地在湖中乃南北最修處所以獨勝

金剛寺在積水潭東南抄手胡同又名般若菴寺有石刻金剛經今無存惟明姚希孟募緣疏碑 本朝大理寺丞高去奢碑在庭中

般若菴背湖水面曲巷舊有竹數叢前小閣後靜室紙窗棐几殊有幽趣後改爲大殿高閣往昔清深幽

廣雅
遠之致亡矣士大夫看蓮北湖多一憇寺中

明顧錫疇詩結夏禪林迴無門可閉關湖光依北
閣爽氣借西山日永諸天靜鐘清初地閒新辭魔
眷屬定入夜雲還

興德古刹在金剛寺後今名興德禪林

○蓮花菴從興德寺折北而西疎林朗樾含吐餘清後
一臺瞰湖陽諸寺若列眉案今未詳其處

明于慎行蓮花菴詩禪宮遙倚北樓開樓下平湖
落照來金水環城全象漢蓮花湧寺宛成臺諸香

各捧空王座一葉能浮太乙杯便是忘歸歸亦醉
夕陽清角莫相催

固山貝子 諱弘景 府在蔣養房胡同

長元按貝子係

聖祖派下無封號與諡謹書其諱

響鈴寺在鳴玉坊今新街口祝壽寺卽普慶寺俗猶仍
其名

龍王廟在新街口雍正七年

勅建乾隆十八年易蓋黃瓦

惠郡王府在西直門新街口

廣濟寺在西直門新街口明正德九年爲梅樂禪師勅建有明碑二

崇元觀在西直門內新街口俗名曹公觀爲明璫曹化淳建門有綽楔上書三界聖境四字 本朝乾隆二十三年修有

御書聯額御製詩碑每歲正月初一至初十日廟市

正黃旗護軍統領署在西直門內崇元觀後寬街

正黃旗漢軍都統署在西直門內丁家井

正黃旗覺羅宗學在西直門內北衛兒胡同

永泰寺在西直門高井胡同有明碑二

西直門內橫橋西北有寺曰永泰建于元明正統間
修武伯沈清新之天順間賜額永泰

萬佛寺俗呼黑塔寺在北草廠黑塔寺胡同有明崇禎
間碑一又 本朝康熙間碑一

崇壽寺在西直門內新街

萬寧寺在西直門內新街

西之北曰西直門元爲和義門明永樂十九年立

明弘治戊午夏京師西直門熊入城守衛者不知覺
有被傷者鈞陽馬公謂野獸入城非宜乞嚴武事備
盜賊何孟春謂同列曰熊之爲兆旣當備盜亦宜慎
火未幾城內在處火災禮部燬焉

補三等威靖伯第在西四牌樓北驢肉胡同

一等忠達公第在地安門外西城根


一等恭誠侯第在地安門外西北


二等武毅謀勇公第在德勝門街煤廠胡同

三等承恩公第在長橋街


三等承恩公第在西直門南小街

宸垣識畧卷八





東便門



沿河東

條頭上

條頭中

條頭下

條二下

條三下

條二上

條二中

條二下

條四下

條三上

條三中

條二下

條四上

條四中

條四下

外城東北
卷九

隆安寺

天龍寺

廟火

廟壯

北市口
土地廟

南小市口

子堂上

子堂下

慶室上

慶室下

刀磨上

刀磨下

腔鍋上

腔鍋下

東城
右營

元室市

東城
吏目

東河溝

大神廟

北河溝


選子

汪太監

橋石大

橋斜

營中
將宗



海

義學

安化寺

育嬰堂

夕照寺

萬柳堂

外城東南

興隆街

地藏港

細米巷頭條

白塔寺

三義廟

火神廟大街

南河漕

標杆

石坂

錄市

馬尾

東利市

西利市

管家樓

廟王閣

兜廳

廣化寺

雲集觀

廟虎五

廟天仙

義學巷

義園

港九



中書省

半壁街

卧牛



清化寺

明因寺

鞭子巷

藥王廟

關帝廟

安園寺

金基書院


天慶寺

紫竹林

陳市

六間房

金魚池



天壇

天